



Det kongelige Kulturdepartement
Postboks 8030 Dep
0030 OSLO

Hyllestad 23.9.2014

Lik og likskap NOU 2014: 2 Høyringsuttale frå Hyllestad sokneråd

Hyllestad sokneråd handsama saka på møtet 23. september 2014 og slutta seg samrøystes til høyringsuttalen som vart vedteken av Fjaler sokneråd 16. september 2014.

Høyringsuttale frå Hyllestad sokneråd (eittsoknskommune) – merkt med blått

Kulturdepartementet ber om høyringsuttale til utreiinga med høyringsfrist 1. oktober 2014. Departementet ber om vårt syn på utvalets framlegg, herunder dei økonomiske og administrative konsekvensane av framlegga.

Hyllestad sokneråd (heretter HS) er samd i hovudtrekkja i høyringsdokumentet. Rådet vel likevel å kommentere einskilde av endringane. Endringar vedkomande økonomi, kan bli ei utfordring for særleg små råd med dårleg økonomi. Det er særst viktig at også små fellesråd/sokneråd får kompensert for inntektstap og auka utgifter. Bortfall av festeinntekter og utgifter til utanbygds gravlegging (mottaksfellesrådet), samt utgifter til transport av kiste til krematoriet, vil variere frå år til år, og vil bli vanskeleg å budsjettere.

Siterer frå høyringsbrevet:

Utvalget har i sin utredning slått fast seks prinsipper for gravferdslovgivningen:

- 1. Gravlegging er et offentlig ansvar og skal være uten kostnad for de etterlatte.*
- 2. Gravplassene skal være allmenne, dvs. felles for alle.*
- 3. Forvaltningen skal legge til rette for at gravlegging skjer med respekt for personlig livssyn og i tråd med føringene til vedkommende livssynssamfunn.*
- 4. Lovgivningen skal likestille gravferdsformene og ikke stimulere til å velge den ene fremfor den andre.*
- 5. Ett menneske får én grav.*
- 6. Med tiden blir graven slettet og gravminnet tatt bort.*

HS støtter utvalet sine seks prinsipper for gravferdsforvaltninga. Soknerådet meiner likevel at gravferdsforvaltninga lokalt, på stader med lav kremasjonsprosent, bør kunne stimulere til auka kremasjon (pkt. 4). Dette trass i auka utgifter til transport til krematoriet. Denne kostnaden blir likevel mindre enn kostnad med utviding av gravplassar.

«Utvalget mener at en rekke avgifter på gravferdsområdet i dag skaper ulikhet, og utvalget foreslår regelendringer og andre tiltak som skal gi mer forutsigbare løsninger for brukerne av gravferdstjenestene.»



Utvalgets forslag er:

- **«Kistegravlegging og kremasjon likestilles økonomisk og juridisk som gravferdsform»**

HS: Juridisk likestilling vil, dersom fleire vel kistegravlegging, gje byane store utfordringar der det er lite ledig areal tilgjengeleg til gravplasser.

Det er på høg tid at heimelen til å krevje kremasjonsavgift vert oppheva, slik at dei to gravferdsformene vert likestilte. Forhåpentlegvis kan det vere med å auke kremasjonsandelen der den er lav.

- **«Kommunene skal være pliktige til å ta i mot utanbygds gravlegging. Brukerbetaling for gravlegging i en annen kommune enn avdødes bostedskommune oppheves»**

Folk kan gravlegges i den kommunen de ønskjer, og pårørande skal ikkje lenger betale for utanbygds gravferd. Gravferdsforvaltningane skal gjere opp seg imellom etter tre ulike satsar fastsett av departementet i forskrift der den eine gjeld utgifter til kremasjon. Utvalet har følgjande framlegg til satsar som skal gjelde heile landet. Utanbygds kistegravlegging: kr . 13 705, Utanbygds urnegravlegging: kr. 6 190 kr. Kremasjon: kr. 4 800 kr.

Pårørande må framleis betale kostnaden med bæretransport fram til den gravplassen der gravlegginga skal skje.

HS støttar at betalingssatsane for utanbygds gravferd er sams for heile landet.

Det er viktig og presisere at når det gjeld bæretransport gjeld det – utgiftsdekning berre innanfor Norge.

- **«Endring av avgiften for feste av grav slik at innbyggerne behandles likt»**

HS støtter framlegget om 20 betalingsfrie år for alle – uavhengig av fredingstida på gravplassen. Vi er samde i at leigeperioden som hovudregel skal vere 5 år, men vi meiner at det skal vere høve til å leige ei grav i 10 år dersom det er ønskje om det, og ein ikkje har plassproblem. Vi er samde i at det framleis bør vere høve til å ta leige for tinging av grav i bolkar på 5 år, og at avgift ikkje vil bli tilbakebetalt om grava vert nytta før dei fem åra har gått, og at frigravperioden gjeld frå når den tinga grava vert teken i bruk.

«Endringer i forvaltningsoppgaver «

Fylkesmannen tek over oppgavene som bispedømmerådene har etter gravferdsloven og gravferdsforskriften.

HS meiner denne endringa er heilt naturleg då gravplassen er for alle! Dette trass i at bispedømet framleis vil vere høyringsinstans der gravplassen ligg i tilknytning til kyrkjebygget. Det er også naturleg at gravplassrådgjevaren blir plassert ved eitt av fylkesmannembeta.

«Økonomiske og administrative konsekvenser «

Pårørande skal ikkje lenger betale for utanbygds gravleggingar. Det skal bli eit oppgjer mellom gravferdsforvaltninga i dei ulike kommunane etter ein bestemt sats.

Gravplassforvaltninga overtek NAV sitt ansvar og må ta kostnaden med transport av kista til krematoriet



DEN NORSKE KYRKJA
Hyllestad sokneråd

HS meiner at dersom gravferdsforvaltinga skal overta ansvar og kostnad med transport av kista til krematoriet, må soknerådet få dekke dei reelle utgiftene. Også små gravferdsforvaltingar må få overført av midlar som vert flytta frå NAV til kommunane.

- **«Forslag som utvalget vurderer til å være på siden av mandatet»**
«Utvalget foreslår at de nærmere vilkårene for askespredning skal framgå mer direkte av gravferdsloven, og at behandlingen av søknader om askespredning legges til den lokale gravplassforvaltningen, med Fylkesmannen som klageinstans.»

HS støttar framlegget under føresetnad om at det er sentrale føringar som i dag kvar oska kan spreiaast.

Utvalget foreslår også at det åpnes for askespredning på gravplass, og at det gis adgang til gravlegging i kolumbarium på gravplass.

HS er skeptisk til eit generelt løyve til askespreiing på gravplass og meiner at det bør setjast vilkår for dette – som til dømes storleik på friareal på gravplassen.

Gravleige og gravleigar

HS er samd i at gravleige og gravleigar vert nytta. Gravleige er eit ord som kommuniserer betre enn feste – og gravleigar kommuniserer betre enn festar.

Gravleige *«Ordet leige har ein klang av noko meir mellombels enn ordet feste...»*

Kjøleromkapasitet og syningsrom.

Det bør vere kjølerom og eit livssynsnøytralt syningsrom med eigen inngang ved sjukeheimen i kommunen. Dette trass i at det er ein auke i dei som døyr i heimen. Soknerådet støttar utvalets ønskje om å regulere det offentlege ansvaret for kjølerom og syningsrom.

Når det gjeld maksimal festetid så støttar HS utvalet sitt syn på at *«Ei grav og eit gravminne skal vanlegvis ikkje stå lenger enn det finst levande som minnes den avlidne.»*

HS støttar utvalet der dei rår til at departementet utarbeider ein praktisk rettleiar for gravplassforvaltningane. Dette for å få ei mest mogeleg sams forvaltning.

Fellesråda er avhengig av inntekter, så HS er glad for at det framleis vil vere høve til å ta betaling for varer og tenester knytt til forvaltning av gravplassen. (sjå side 83)

Som tidlegare nemnt er det særskilt viktig at gravferdsforvaltinga får kompensert for inntektstap og auka utgifter.

Beste helsing

Irene Fløde
Kyrkjevevjerjevikar